

## 文苑

不恤緯行

止軒諸橋轍

平蕪雲低戍煙孤。絕漠春深寒草枯。朔風吹沙沙入面。將軍下令欲攻胡。天戈所向堅壘碎。江淮以北無敵寨。風雲開闔雖在天。治化大業屬俊乂。一念及旃責非輕。翼亮輸誠是此行。蔡婦憂國不恤緯。丈夫畢竟豈圖名。秦塞漢關今何狀。燕山楚水使人悵。蕭條此夕思古人。心與狂波共漾漾。學首荒城月一輪。應照東亞兩國春。東風何時蘇群類。有德不孤必有鄰。

## 西征詩草

節山鹽谷溫

發程

欲揮羽扇拂烟塵 更覺老來元氣新 報國何分文與武 也同萬里遠征人

萬壽山

昆明湖上泛輕舟 風靜波平境自幽 丹碧閣空鶴飛去 山光水色不勝愁